

HERR/ Wo bey sol ichs mercken/ das ichs besitzten werde? Vnd er sprach zu jm/ Bringe mir eine dreyierige Kue/ vnd ein dreyierige Zigen/ vnd ein dreyierigen Wider/ vnd eine Dordeltauben/ vnd eine Jungetauben. Vnd er bracht jm solchs alles/ vnd zurtheilet es mitten von ander/ vnd leget ein teil gegen das ander vber/ aber die Vogel zurtheilet er nicht. Vnd das Genogel fiel auff die as/ Aber Abram scheuchet sie dauon.

(Genogel) Das genogel/ vnd der rauchend ofen vnd der feurige brand/ bedeuten die Egypter/ die Abrahams kinder verfolgen solten. Aber Abram scheucht sie dauon das ist/ Gott erlöset sie vmb der verheissung willen/ Abram versprochen. Das aber er nach der Sonnen vntergang erschriek/ bedeutet/ Das Gott seinen Samen eine zeit verlassen wolt/ das sie verfolget warden/ wie der HERR selbs hie denot. Also gehet es auch allen Gleybtgen/ das sie verlassen/ vnd doch erlöset werden.

DA nu die Sonne vnter gegangen war/ fiel ein tieffer Schlaf auff Abram/ Vnd sihe/ schrecken vnd grosse finsternis vberfiel in. Da sprach er zu Abram/ Das soltu wissen/ Das dein Same wird frembd sein in einem Lande Act. 7. das nicht sein ist/ vnd da wird man sie zu dienen zwingen vnd plagen vier hundert jar. Aber ich wil richten das Volck/ dem sie dienen müssen. Darnach solten sie ausziehen mit grossem Gut. Vnd du solt faren zu deinen Vetern mit Frieden/ vnd in gutem Alter begraben werden/ Sie aber sollen nach vier Mansleben wider hieher komen/ Denn die missethat der Amoriter ist noch nicht alle. Als nu die Sonne vntergegangen/ vnd finster worden war/ Sihe/ da rauchete ein Ofen/ vnd ein Feuerflammen fuhr zwiffchen den stücken hin.

U dem tage machte der HERR einen Bund mit Abram/ vnd sprach/ Deinem Samen wil ich dis Land geben/ von dem wasser Egypti an/ bis an das grosse wasser Phrat/ die Keniter/ die Kimsiter/ die Kadmoni ter/ die Hithiter/ die Pheresiter/ die Risen/ die Amoriter/ die Cananiter/ die Gergesiter/ die Jebusiter. Einwohner Canaan.

XVI.



Sarai

gibt Abram Hagar zum weibe etc

(Bawen) Das ist/ Kinder Erlegen Psal. 127. Ero. 2.

Arat Abrams weif gebar jm nichts/ Sie hatte aber eine Egyptische magd/ die hies Hagar. Vnd sie sprach zu Abram/ Sihe/ der HERR hat mich verschlossen/ das ich nichts geberem kan/ Lieber/ lege dich zu meiner Magd/ ob ich doch vielleicht aus jr mich bawen müge. Abram der gehorcht der stimme Sarai. Da nam Sarai Abrams weif jr Egyptische magd Hagar/ vnd gab sie Abram jrem Man zum Weibe/ nach dem sie zehen jar im lande Canaan gewonet hatten.

HAGAR.

VND er legt sich zu Hagar/ die ward schwanger. Als sie nu sahe/ das sie schwanger war/ achtet sie jr Frawen geringe gegen sich. Da sprach Sarai zu Abram/ Du thust vnrecht an mir/ Ich hab meine Magd dir beygelegt/ Nu sie aber sihet/ das sie schwanger worden ist/ mus ich geringe geachtet sein gegen jr/ Der HERR sey Richter zwiffchen mir vnd dir. Abram aber sprach zu Sarai/ Sihe/ Deine Magd ist vnter deiner gewalt/ thue mit jr wie dir gefelt.

HAGAR flüchet von Sarai.

Als sie nu Sarai wolt demütigen flohe sie von jr. Aber der Engel des HERRN fand sie bey einem Wasserbrun in der wüsten/ nemlich/ bey dem Brun am wege zu Sur/ der sprach zu jr/ Hagar Sarai magd/ wo komstu her? vnd wo wiltu hin? Sie sprach/ Ich bin von meiner Frawen Sarai geflohen. Vnd der Engel des HERRN sprach zu jr/ Here vmb wider zu deiner Frawen/ vnd demütige dich vnter jre hand.

(ISMAEL) Heist Gott erhöret

VND der Engel des HERRN sprach zu jr/ Ich wil deinen Samen also mehren/ das er fur grosser menge nicht sol gezelet werden. Weiter sprach der Engel des HERRN zu jr/ Sihe/ Du bist schwanger worden/ vnd wirst einen Son geberem/ des namen soltu Ismael heissen/ Darumb/ das der HERR dein elend erhöret hat. Er wird ein wilder Mensch sein/ Seine hand wider jderman/ vnd jedermans hand wider in/ vnd wird gegen allen seinen Brüdern wonen.

VND sie hies den Namen des HERRN/ der mit jr redet/ Du Gott sihest

*Handwritten note: In die fall Hagar Sarai*